



VOL. X. NO. 3.

OCTOBER 15, 1906.

50 cents a year.

Published Monthly, at St. Michaels, Fort Totten, P. O., N. Dakota.
ENTERED AS SECOND CLASS MATTER AT THE POST-OFFICE AT FORT TOTTEN, N. DAK.

OWANCAYA WOTANIN.

ROSEBUD AGENCY, S. D. ekta
St. Francis Mission, sinasapa waya-
wa tipi okiyapi kta on, Dakota kin
ong'e wakila wowapi kin, wowapi yu-
tanpi cinpi sni. Mazaska kpanni-
pi kin ongena yunapi kte sni kokipapi
neon. Tka dehantu kin wana ichina-
yanpi kin sdonkiyapi. Owasin ma-
zaska kpanni-
pi kin tanyan yunapi.

Rome,—Tunkasinayapi kiciza wata
Maples en ipi. Akicita wikcemna
zaptan dehan Rome ekta Sinasapa
Itancan (Pope) kin wanyag ipi.
Akicita kin iyohinna Sinasapa Itan-
can nape kin iputakapi. Sinasapa
Itancan kin hehan hewicakiya woce-
kiye ohna sutaya on wicasa, qa itan-
can tawapi tanyan anagoptan wicasa;
wicoie wasteste ewicakiya, owasin
hehan wicayuwakan. Hehan akicita
kin owasin hotanka on akisapi. Aki-
cita kin owasin ite iwicacupi.

John Brockett, Conn. en wojuwi-
casta, hekta anpetuwakan wiyotan-
han wota, icunhan wicasta tokeca
wan tin iyaya qa heya:
"Iyemayakiya huwo?"

Mr. Brockett tanyan wanyaka un-
kan hekta he wicasta kin htani
yuba tka, iyekeya. De wicasta kin
htakini kin hehan mazaska opawinge
nom makinu; waniyetu wikcemna
nomp kin heehan, unkan wicasta
kin de icicawin dena kajuju kta hdi.
De kajuju kta on nina htani qa iyo-
tiyekeye mazaska kin kamna, keya,
dehan wana kajuju kin on nina
iyokipi keya.

FORT TOTTEN, N. D.—Oyate
kin de omaka kin tanyan wawicag-
yapi; aguyapisu, wawahota, sdasu qa
nakun bdo koya. Ecana mazacanku
Dakota makoce kin opta yustanpi
kta. Wana mazacanku kin yustan
kinicapi; mazacanku kin St. Mich-
ael's tipi wakan qa wicahapi makoc-
ce kin agnomni iyaya. Miniwakan
bde kin opta mazacanku iyaya.
Cankagompapi nom bde opta kagapi;
onma hanskeya, onma ee ptececa.
St. Michael's can wehna ecana ohna
hemani kin ho naonhonpi kta.

CUBA ekta nina wotehika ota.
Oyate kin etanhan ota wicastayatapi
kin wahitedapi sni, kicizapi qa wica-
sta ota kiciktepi. Hecen United
States Tunkasinayapi kin taakicita,
wata peta tanka koya ekta yewicaya
qa ayustan wicasi, qa wookiye kag-
wicasi. Tunkasina taakicita hena
Cuba makoce kin hen unpi kta to-
nanyan wookiye kagapi sni hehanyan.

Lancingburgh, N. Y. Oct 4.—He-
mani akicita ojuna dus u hemani
iyopta sni wan kici iciboto. Wicasta
zaptan wicakte qa 20 oyazan wicaya.

Duluth, Minn., Oct. 4.—Wicasta
wan, Frank Muller eciyapi, winni
wicasta wan kte. Wihni wicasta
kin he tahinca kecin qa kute. He-
cen te kta.

Hong Kong, Oct. 4.—Wata peta
tanka wan, Charter House eciyapi,
napopa, Hong Kong ikiyena. Itan-
can qa wicasta wikcemna sakpe mini
tapi.

New York Oct. 4.—Margaret Hin-
ber wicincana cistina, waniyetu sa-
kowin. waniyetu yamni tolwe sni.
Unkan pejinuta wicasta wayubika
wan ista kin kahdaya qa asniya. he
cen ake wanyaka okini. Wicincan-
na wanwanyake cin on nina iyokipi.

Chippewa Falls, Wis. Oct. 4.—
Elmer Hill, Apollonia etanhan, wi-
hni i tihdabuna kute i. Tihdabuna
kute unkan otehi kin en mato wan,
wanyake sni, o. Mato kin ocinsica
otehi etanhan Elmer Hill kuwa
aniyu; tka wicasta ohniya, mato kin
ktepi.

Mobile, Alabama, miniwanca ica-
nda otowwe tanka wan, tate tanka
wan niyu, qa tipi 5000 ketkopa-
winge zaptan kaliboka, wicasta opa-
winge tonaken wicakte, qa nina ota
is kionniwicaya. Hemani iyopta
okihni sni; wata ota inangya. Mobile
otowwe tanka ataya qa ma koece
oksan mini.

CHEYENNE AGENCY, S. D.
Oct. 3, 1906.

Omaka de icunhan dena wakanki-
ciyuzapi.

Mr. Leon Poiras Josephine Brown
kici.

George Comeau, Elizabeth Wag-
ner kici.

James Charging Eagle, Mrs. Looks-
for horses kici.

George Short Bull, Edith Knife kici.

Frank acts the Bear, Nellie New
Black Bear kici.

Jerry Thompson, Josie Laundrie kici.

DE WANYAKA PO!

Wana "Eyanpaha" yakajujupi kta
iyehantu. Wicasta ota wowapi ieu-
pi, tka kajuju sni, is kajuju kta
akiktonjapi. Hecen dehan yeksnyapi
kta. Omniciye tanka Pine Ridge en.
qa nakun Fort Totten en, "Sinaspapa
Taeyanpaha" cajeyatapi, qa wotanin
wowapi opeton mispi, wana econpo!

WAKANKICIYUZAPI.

Fort Totten, N. Dak.—Oct. 7, Jo-
seph Gray Wind qa Lily Yuwakan-
win. (Lily Mibebeya)

WICATA.

Fort Totten, N. Dak. Sept. 22,—
Joseph, waniyetu 15, John Sanica qa
Makatona cinhintkupi.

Sept. 27, Aloysius, wi 6, Ihcina
qa Lucy Keya cinhintkupi.

WOMNAYE TANKA KIN.

Fort Totten, N. Dak.

St. Michael's etanhan	\$25.00
St. Jerome's etanhan	\$0.00
Denakeca	\$105.00

wana mazaska tipi en ewahnaka.

Hehan Ignatius Court	1.00
Tunkawanyagmani	1.00
Hecen Fort Totten etanhan	\$107.00

FATHER JEROME, O. S. B.
Mazaska Awanyaka Wanjidan.

Tohan kinhan is onmapi kin
hena mazaska uyapi kta he?
Fort Totten etanhan wana ota
eunhnakapi.

SINASAPA WOCEKIYE TAEYANPAHA.
REV. JEROME HUNT, O. S. B.
PUBLISHER and PROPRIETOR.
FORT TOTTEN, N. DAKOTA.

With the Approbation and
Blessing of Rt. Rev. John Shanley
D. D. Bishop of Fargo, N. Dakota.

OCTOBER 15, 1906.

TIPI HUHNAGA.

Fort Totten, Sept. 10, hinhanna
hein wihiyayena topa hehan Father
Jerome oti kin ide; hecen hayake
tawa qa wowapi wästešte ota kihuhnağa.

FORT TOTTEN, N. DAK.

Sinasapa (Father Jerome) okiyapi
hekta dena wahduşna:

Bernard Two-hearts	\$1.00
Mrs. Julia Adams	.50
Frank Demarce	1.25
Celina Demarce	3.00

VEBLEN, S. D. SEPT. 30, 1906.

Mitakoda;—

Sisseton oyanke den imahen
şinasapa okodakiciye wanke cin
de etanhan wicalinca wanji ға. Mitakuyepi,
wicañca wanji nakaha ға cin de wicota
ñca e sdonayapi naceca ibdukean. Hunkawanjionyanpi
Michael Paul Wahnaşkiyan he nakaha
September 22 en ға.

Onkan ito, wicalica kin de wicaşta
otoiyohi yeksuyapi wäste. Onkiş He-
ipa de şinasapa okodakiciye en imahen
wicalica kin de nina wäste heca
qa wacinyepica onkicionpi qon wana
ehpeunyapi. Tokiya iyaye kin de
on etanhan okodakiciye onyakonpi
kin ataya wicakehan wicocante şica
wan onhiyahdepi. Ho ecin hehan
tuwe ce e ti iyaza wicoñan wäste qa
wicowahbana kte cin eyapaha onki-
cionpi kta huwo? Mitakuyepi, awi-
cakehan wicalica kin de omaniya on
kin en koşka wanji qa iş wikoşke
wanji akipa ecan tokaheya taku tona
şice qa wokokipe qa hena tohanyan
wicaşta en e yuşice qa ihangye cin
hena okiyag iyeye qa kokipe şice
ecee. Qa okodakiciye en itokeya
tohanyan taku wäste owotanna sdon-
ye cin hehanyan on wahokonwicaki-
ya on ecee. Onkan dehan miş awi-
cakenan wicalica kin de toie kin
owasinna nina weksuya waun; ate-
waye cin ne iyecece seca wacin bdu-
za. Tohantuka ešta tukte en wan-
bdake cin he en oninni taku wäste
ecamon cin hena iwahokonmakiye sa.

Ho onkan de on etanhan miş awi-
cakan wicalica kin de tohinni awe-
ktonje şni waon, qa hehan işice kin
awicakenan Wakantanka wicada on
qa wacinyehica on, qa he onna ға e
necen wicaondapi. Wicalica wäste
ға nakas eya he ға kin on oiyokişice
ešta he ayapi kin en oiyokişice seece-
ce; wicaşta nina ota wanyag ai qa
wakiciksuyapi on etanhan ehake oki-
yapi cinpi kin heon etanhan yuoni-
hanyan wicalicapi makoce kin ekta
ayapi qa ehnakapi.

Ho mitakuyepi, eya wicalica na-
kana ға cin wocekiye on yeksuyapi
wäste qa oyakiyapi iyecece.

N. J. De MARIAS.

ST. FRANCIS MISSION,
ROSEBUD AGENCY, S. DAK.
Oct. 10, 1906.

Eyanpaha kin:—

Taku wanji epa wa-
cinyelo. Wakankiciyuzapi eciya-
tanhan oyanke onqonpi kin le el,
wakankiciyuzapi kin tanyan ye şni
kin le hecel awableze; tuwa kiciyu-
zapi na okiciyuşicapi can wancak wa-
mnaye wicaşipi he owakpamni etan
wicoñan kin hinape. Owakpamni el
waşicun tona unpi kin hena wocekiye
opapi ehantans wicoñan wäste unka-
yapi uncinpi kin iyopte kta tka, wa-
şicun tona wocekiye opa şni kin
awanunyakapi; heon sanpa waonun-
spepi okinipi şni; heon etan wocekiye
unyuşicapi. Ho nehanyan epa wa-
cin yelo.

Inupa: Wocekiye onkopapi kin
hayapi iyecel unyuhapi kte şni. To-
hanl wocekiye okawita ihan canna
el ecela wocekiye unkawacinpi, na
tohani abeya klapi can, wocekiye el
ewauncinpi şni, oninni elewauncinpi
hantans unkitawacinpi kin waşakin
kta. St. Joseph na St. Mary yaunpi
kin anpetu wakan iyoni Mass woşna-
pi wakan el ahopeya yapo; na obinni
wowaitani oklakapo; necel niwaş-
kapi kta, na wicaşta wakan tehan el
ninipi şni eşaş, Wakantanka wacin-
yapo. Incin hecel Jesus onkokiya-
kapi: "Atewaye kin micaje on taku
yakilapi niçupi kta," na heon etan
wocekiye wanji onspeunkiayapi iye
ñca ceyakiyapi kin Ate unyanpi ma-
hpiya ekta nanke cin, Itancan tawo-
cekiye kin he waka. Ho he woceki-
ye he eye unşipi kin heon yuonihan-
yan he ehapi wäste ka; incin Wa-
kantanka wicaunlapi heon.

Iyamni: Wicaşawakan nitawapi
taku econ nipi kin eceñci econ wa-
cinpo. Oyakahniğapi şni eşaş tokeşa
iye hena sloiyapi ca tokeşa ehakela
ayablezapi kte; ceñunwicaklaşni ecel
econpo. Incin hena owewakankapi

hecapi şni, na wicaknaye sa hecapi
şni. Wanikiya unkitawapi hena ye-
wicaş: "Miye iyecel yapo!" ewica-
kiya: "Taku wowicake ece ociciya-
kapi." Hececa şni yunkans ociciya-
kapi kte şni, tka Wanikiya unkitawapi
hecel owicakiyaka. Ho hecel
on etanhan taku eyapi hena wicake
wicalapo. Hececa kin canku
okna tanyan aniyampi kta na wiconi
aniipi kta. Ho hecetu welo.

Itopa: Yatke Şni Omnicieye kin
wicoñan tawa tokel yin kta hecin
Eyanpaha el wanblakin kta ohinni
wacin, tka nahanhecin wanblake şni.

St. Francis Mission ohlate tona un-
qonpi hecin wocekiye on unyeksu-
yapi wacin.

Ino nitakuyepi, wanji onşike cin
he miye, oyasin iyuşkinyan nape ci-
yuzape lo.

LEO HAWKMAN.

FORT TOTTEN, N. DAK.

Oct. 14, 1906.

Hekta July 6, St. Jerome's church
Crow Hill en North Dakota Catholic
Congress yuhapi qehan, Rt. Rev.
Bishop Shanley, taku wanji econ
onşipi qa heehan wicota econpi.
Yatke şni okodakiciye onyuhapi kta
cin, qa he wicaşta tona qa winohica
tona tanyan wiyukcanpi kin owico-
ñan kin he icupi. Catholic wocekiye
opa ecepi kta cin, unkan he iye
awanonyakapi, hecen taku tona on-
kiwaştepi kta qa unişicapi kte kin
hena sdonya heon şinasapa wocekiye
opapi kin ecee wicoñan de icupi cin.
hecen catholic wocekiye ope kin
owasin wicoñan de icupi kinhan, to-
kantanhan wauyakapi kinhan heyapi
kte—Catholic wocekiye opapi kin
wicoñan wäste wan econpi qa yuhapi,
eyapi kta, oncinpi iyecece; hecen
catholic wanji yatke şni okodakiciye
wan tukten ope qeyas tukten oşpaye
tawa kin witaya wiñanpi kinhan heon
owicape kta iyecece.

Heon tokata anpetuwakan kinhan
St. Michael's church en Yatke Şni
okodakiciye omnicieye kta qa oitan-
can etanhan wicakagapi kta qa token
owicoñan kta iyecece kinhan hehan
hena cajeyatapi kte. De wicoñan
North Dakota en eceena kte şni, ija
South Dakota eciyatanhan Bishop
kin omnicieye tanka kin en cajeyate
qa econ wicaş. ona owicoñan kin
de icupi kinhan St. Paul Diocese
Catholic Total Abstinence owicaon-
papi kte. Hecen ikewicaşta Catho-
lic hecapi kin owasin econ wacinpo.
waşicuna kin iye woyatke kin he ka-
ğapi ees heca opapi ye do.

Tuwe unkina heye kta: mawaşte
şni, wanbdake kinhan wacinmatanka
kte şni. Tuwena maka akan owo-
tanna şni. qa watşe şni, heon taku kin
dena on onkiñdaşkapi kta e on econ
onkiyapi kta cinpi, hecen tuwe taku
wäste wan wicaqu kinhan akta şni
pica şni. Tohanyan nionyakonpi kte
qa ecen unşipi kte do; necen Itan-
can unyanpi kin taku wan onkiwa-
ştepi kta e pazo kinhan wihahaya
onkiçupi kte kin he wicoñan onki-
tawapi.

OKAHMI STANDING ROCK,
ST. EDWARD'S CHURCH.

Mitakuyepi;—

St. Mary omnicieye wan
onqonpi qon etan wikoşkalaka wan,
Josephine Oka, waniyetu 18, Sept.
22, ға, Louis Oka na Josephine Cin-
piwin cunwintkupi.

Wayawaoti tanka el wayawa on
onkan April wi hehan wayazan hin-
kla, hehan atkuku ti ekta kle. Na
hetan wi şakpe onkan hunke şni
hececa yeşaş wocekiye ijehan kiksuy-
ya na tipiwakan ekta mani ehunni
na Yutapi wakan icu na cante wäste
kul iyunke. September 20, hehan
lila hunke şni, na Wakantanka ki-
ksuya na wocekiye kiksuya hipaye
na Sept. 22 hanhepi qon mazaşkan-
şkan 12 hehan cekieye, "God have
mercy on me" (Wakantanka unşi-
mada ye," na tehan cekiya. Hehan
atkuku na hunku nape wicayuzana
iwicaputaka na tona el onqonpi qon
iyuha. Wana hunke şni slokiye na
lecel eye. Wana ate maşin kta ce
tka tohanl tanyan mayaluştanpi na
canwoñnaka okna tasakya emayaon-
papi kin hehanl iwaştela yaceyapi
wacin. Wakantanka ti ekta wakla-
ce; na iyuna cankpeşkamakakla ina-
jinpi tohanyan matasake şni kin he-
hanyan miye wacewakiye kta ce, na
cankaliciyaya wan yuha na wacekiye
hipaya na wana mazaşkanşkan nonpa
iktuns ға. Wikoşkalaka le tokel econ
onşipi qon ecel econqonpi, na wicaşta
wakan hiyo iyayapi na eklepi wace-
kiye na ikluştan ca wakanwoklakapi
econpi na hinhanna Mass woşnapi
ecunhan iyuna Yutapiwakan icupi.
Mass obakab wikoşkalaka kin ħapi.

Mitakuyepi, wikoşkalaka kin le
wocekiye waştelake wacekiye hipayin
ecel ға, heon oyasin wocekiye on ye-
ksuyapi wacin ye.

Inyancunkaşkela el tokata omni-
cieye tanka yuhapi kte cin el \$10.00
on owicakiya.

Cantewaşte nape ciyuzapi.

LUCIA HAWK BEAR.

ST. MICHAEL'S, FORT TOTTEN,
Oct. 7, 1906.

St. Joseph okodakiciye

Tatankapa, itancan. John Ho-
ciqa wiyokine aya. John Lohnes,
mazaska awanyaka. Joseph Matohi,
wowapi kağa. Tunkawakana qa
Wasuicasnamani wayazanka awanya-
kapi. Dan Paul qa Wanagiciyana,
wicalicapi makoce awanyakapi.

Philip Lohnes, tiyopa awanyaka.
Zitkanakoyake, Bible History
yawa kta.

ST. MICHAEL'S, FT. TOTTEN. N. D.

Oct. 6, 1906.

S.T MARY OKODAKICIYE

Louisa Court, Itancan.

Mrs. Julia Adams, wivokihe aye. Mrs. Louisa Higheagle, mazaska awanyaka. Celina Coming Cloud, wowapi kaga. Lumina Tunkasaiciyewin, wokagege awanyaka. Mazatopawin qa Louisa Sagye wayazanka awanyakapi. Sophie Winona, tiyopa awanyaka. Celina Coming Cloud, Odowan itancan.

ST. MICHAEL'S, FORT TOTTEN.

Oct. 7, Wakagege okodakiciye sinasapa okiyapi, qa Father Jerome mazaska dena qupi \$18.55

IKCEWICASA WOOWOTANNA WAN.

Dakota wan ehanna wasicun wan candi kida. Unkan nape ojuna kadaya sicanopiye tanhan ikikcu qa qupi. Ihanhanna unkan icicawin hi qa wasicun qon ode.

"Candi kin ehna kaspapi nom sam okise wan on ce," eya.

"Toka ecehna duhe sni," eyapi.

Unkan, maku kin en ekpazo qa heya: "Den wicasta wan waste e sica wan iyahna bduha, waste kin he icu sni masi, mitawa sni keye. Qa sice kin he is, he wana mitawa keye qa yuhe masi. Tka waste kin, hiya, hiya! duhe kta iyecece sni, eya. Hecen token ecamon tanin sni, qa mistinbe owakihi sni. Waste qa sice kici hanyetu ataya wakinica yuke, heon de icicawin awahi qa wana cante mawaste hee."

De Dakota kin iyecen unkiye wicasta wan waste qa sica wan ahna unyuhapi; sice kin he wawiyutanye kin ee, qa waste kin he wowiyukcan waste kin ee. Henaos anpetu iyohi taku econqonpi on waakinicapi. Unma tukte ohiya he?

TAWICOHAN OHNA TA.

Hemani wan Montreal, Canada etkiya ya, unkan hemani iyoptekiye kin tokata mazacanku ohna sunka wan sapa e najin qa wapapa yanka wanyaka. Hemani kin hotonton tka sunka kin anayam ye sni, hemani ninahca hiyu qa sunka qon posid iyeye. Hecen hemani kin sunka kin bopsidiyeya; hemani pa kin akan minihuha ikoyag wanyaka, hecen hemani iyoptekiye kin hemani inajin kiya, qa icicawin sunka kte kin ekta i. unkan sunka kin isakim wakanheja wan, sunka kin he awanyaka tka e ko kte iyeya. Hecen onsika, waawanyaka waste, nakicilion pi sni sta tawicohan ohna ta.

PUTINHIN KIN SIYUTAPI SAHDOGAN HANSKA.

W. L. Guiles, waniyetu 58, wicasta de taku woiwitan kida kin he wana waniyetu wikcemna nom putinhin kasan sni keya. He icunhan nina uye-kiya qa siyutapi sahdogan, hecen tohan hduhda eca makiyusdohan ecee. Owasin kaksapaipasisa un ipasisa un hecen waciniyokisice sni.

WANIKIYA SUSBECA TAWA KIN.

Jesus cansusbeca etanhan kun yuhapi qa wicahapi en ehnakapi qehian, Susbeca Tawa qa wamanuwicasta nom susbeca tawapi kin Calvary Paha en owacoka kin en ehpeyapi. Jerusalem otowe awihnuni kin he icunhan owasin tanin sni.

Ho hen waniyetu opawinge yamni ecen yanka. Omaka 313 heehan, Constantine the Great, Roman Empire en wicasyatapi, unkan oyate kin wocekiye onna skanpi kta iyowinwicakiye. Unkan oyate Jesus susbeca akan iyepi on wainduhna qa te cin wanyakapi cinpi. De woowacin wakan kin iyecetu kta heon Constantine hunku kin, St. Helen, Wakantanka woinamna waste wan qu, hecen Jerusalem otowe etkiya ode iyaye. Wanikiya tukte en ktepi kin iyeye qehan wicasta tonaken watuulik-sica yuhinte wicakiye iyotan iyeikiya hitanipi qa iyusoyahcin cansusbeca yamni kin iyeyapi, ho hetu e hehan otehihe. Susbeca yamni kin wanji tukte Jesus akan te kin e e tanin sni. Macarius, Jerusalem en Waawandake (bishop) kin kicopi. Hecen cekiyapi qa akilhan iciyapi wicasi, Wakantanka okalinil wicaye kta on. Wakantanka nawicakicilion qa wowapetokeca wan on Onintku cansusbeca tawa sdonye wicakiyapi.

Susbeca yamni kin owasin winyan wan wayazan e en abipi. Tokaheya wanji oyuspe qa ake wanji tka itoka sni; no anake iyamni he oyuspe unkan asni iyaye qa wancak inajin qa mani.

Oyate kin en wowiyuskin tanka hipi. Pidapi un, Jesus tuktetu te cin en akan St. Helen tipiwakan wan waste hca kagwicakiya. Hecen tipiwakan kin hen susbeca hanke yanke qa hanke is Rome ekta cinhintkuyekiya. Tipiwakan kin hen waniyetu ota han, qa oyate kin ohodapi. Makoce tokan tanhahan Jerusalem ekta cansusbeca kin wanyag ahi.

Iyohakam, (omaka 700) wicasyatapi tokeca hehan, cansusbeca kin Parria ekta aipi, qa hen waniyetu ake tom yanka. He iyohakam Heraclius, Constantinople en wicasya-

tapi qehan, ake Jerusalem ekta icicawin akipi. Yupiya induze qa susbeca kin qin qa Calvary etkiya aye kta. Ino, wana Jesus cunkaske wan iyaye cin en inunni unkan ake wowapetokeca en hi. Sam iyaye kta okihi sni. Token han kta sdonye sni, hecen Zachary, Jerusalem en Sinasapa Itancan kin, kaken econsi. Hayake wastehe hena qa hanpa yusdoke si, hecen Jesus onsiye hca cansusbeca Calvaria ekta qin, iyececa. Wicasyatapi anagoptan; hayake tehika qa hanpa hduhdoka, hayake ikceka kicun, hecen toka sni ekta aipi. Omaka iyohi Sept. 14, hehan ecee cansusbeca wakan kin yuoninhanpi. Dehan hankei susbeca kin Rome en yanke. He Wakantanka awandake qa wowape tokeca ota econ. Niyaunpi kin en ecunhan cansusbeca kin ohoda po, qa wastedaka po; hecen anpetu anake iyuskiuyan wandakapi kta.

Wakantanka Hunku Tawa-onsida.

Hekta waniyetu wikcemna zaptan qon heehan, wiyohpeyata sinasapa (priest) kin enanakiyena qa conana onpi, qa awanwicayakapi ija icitehannanyan tipi. Wanji wayazanka ca sinasapa anpetu nom is yamni sunkakan akan iyotang omanipi, hecen wanyag ipi ce. Anpetu wan en sinasapa wan, Father Benoit Michigan Bde icanda enanakiya wicoti kin iyaza omaniya, canwehna qa canku wanica, hece sinasapa kin nuni. Wana tehan qa hitayetu hecen tipi wan en i qa hen wanke kta iwicawanga.

Unkan ti kin heya: "De unsiya untipi qa owinja ko onnicapi," eya.

"Sunkakan mitawa kin timahen emiyecinde kinhan miyeqes tuktetu kakes munke kte," sinasapa kin eya.

Toketuya qeyas iyonicipi hecinhan, sunkakan tin ekilde wo, tka tanyan cicuwa kta owakihi sni, winyan mitawa kin wana te kta wanka ce," eya.

Father Benoit timahen iyaya unkan wicite owapi wastehe otko wan yanka. Winyan wayazanke cin kicanpte qa heya: "Sinasapa wocekiye oyape seececa," eya.

Unkan "han," eya.

"Nite sni ecen sinasapa wanji wandaka yacin he?" iwanga.

"He waniyetu akesakowin on Wakantanka Hunku cewakiya, mate sni ecen wanji wanbdake kta wacin. Wana waniyetu ota wanji wanbdaka sni, qa wocon wakan (Sacraments) ecamon sni," eya.

"Waceyakiye cin Wakantanka nancilion. De wanuni kecanmi, unkan ehanqon Wakantanka detkiya amau -Sinasapa (Catholic priest), hemaca," sinasapa kin eya.

Hanyetu kin ataya Father Benoit siceca kin ko wicayuwiyeya qa hanhanna hehan Yutapi-wakan wicaku. Winyan kin tanyehcin ahbayena ta.

MATO KIN MAKOHDOKA ETANHAN HINAPAPI.

Russia makoce en mato kin token owasak wicayapi hecinhan he wicasta wan nina sdonya cin unkan heciyapi woha wanji siyutapi tonaken yaqe kta qa peji hutkan qa canwape ko akan ataya ehpeyaye kta qa taku yute kta akan ehpeyaye kta, hecen watan kin iyutan kinhan taku sni en oninhiyaye kta, tka nakun mato kin topa is zaptan cetu kinhan hdi-cupi okihihi. Wicasta wan wasdon-ya cin kin heye, tokenken okihihi he?

Ocaniyamani iyecen akicididi hdi-cupi kta.

Tka kuta hecin najin kin token hdi-cu kta he? ake eya.

Ho eya Wakantanka wicanagi qa wicotawacin unqupi kin he iyecen is yuhapi sni, geyas wopida yuha, tuwe itancanyan niwicaya cin he akikton-japi kte sni, hecen abebekiya iyayapi qa can-adetka ahdiipi qa heon wolie mahen wanji anake unkin hdi-nape kta. Ho hecen cantewasteya onmapi om iyaya.

Miniwakan Yatkanpi.

Wicasta ota miniwakan on mazaska ota yusotapi. Tuwe tiwabe yuhe qa hecen econ kin he wamanon iyececa. Taku cinca qa tawicu iyowajapi kta iyecece kin owasin iye yusota. Mazaska kamna kin hena tawicu qa cinca on woyute qa hayake iyopewicakiye kta iyececa, tka e on witko qa tawicu qa cinca kin wahpanicapi.

Tuwe miniwakan yatkan ca tawacin kinhnuni, wicasta hnasikinyan, wacinton sni iyececa. Dowan akes sik-sicaya iapi qa wicakize wacinpi; heon tona tanyan indubapi kin waciniyowicakiscapi.

Tuwe miniwakan yatke qa tiwabe tawa kin en yatke wicakiye kin he taku sicaya econ; tawicu yatke kiye qa nakun cinca kin hena onspewicakiya, heon tiwabe en ohinni kakisya onpi.

Tuwe miniwakan yatkesa kin he ohinni cin, awastedaka aye qa ecen ayuŕstan okihi ŕni; heon ayuŕstan wacin po! token okihipi kta iyecen Wakantanka oniciyapi kta icekiyapi, qa ecacana woaitani ohdakapi kta qa yatke ŕni okodakiciye en opapi kta iyececa.

WICOWOYAKE WASTE.

Wicaŕta wan takodaku yamni, unkan he etanhan nom iyotan wicakidake. Ihnuhanna anpetu wan en taku tehika wan iyaonpapi qa wayaco en aipi.

Unkan takodaku kin hewicakiye: "Wanji tukte waamiye ciyataninpi kta he?" eya.

Unkan wanji itani kin, on okihi ŕni keye. Inonpa kin he is kici ye qa tiyopa kin hehan i qeyas wayaco ninakokipe qa ihpeya kinnda. Wanji is hecankin ŕni unkan ee kici i qa token okihi tanyan waayatanin qa on nakiciŕpe qa wicaŕta kin tanyan iyaye, qa nakun owotanna kin on wayaco kin sanpa taku waste ecakicon.

Wicaŕta maka akan niun kin en ija takodaku yamni. Wana Wakantanka kico kinhan, mazaska—kodaku iyotan da kin tohinbi kici ye kte ŕni. Takuwicaye qa koda wicaye kin he na wicahapi en kici ipi qa ihpeya hdi cupi. Qa nion kin econhan taku wan en awacin hee ŕni qon he es kici wayaco itokam i qa tanyan waakiciyatanin, okiye qa on tanyan iyaye kin he, iye wicoŕhan waste nion kin econhan, econ kin hena e e. Heon wicoŕhan waste econ unwacinpi kta. Jesus Cante wakan kin eciyatanhan onkiyapi kta.

Wanapin On Wacekiyapi.

Wicaŕta wocekiye opapi kin owasin Wanapin-on-wacekiyapi ohodapi.

De ohodapi kin on tuwena yuŕŕnaye ŕni, tuwe he token waste kin okahniŕe ŕni kinhan he yuŕŕnyaya kta.

Woohoda kin de susbeca aiŕica-gapi kin on tokaheya ayapi, qa he wocekiye opapi kin wowapetokeca tawapi kin ee.

Hehan Tawahoŕiyapi tawowicada kin he e qa he en tona wocekiye on wicaktepi kin econhan wowicada kin de eyapi.

Hehan Itancan Tawocekiye kin de Iye hea onspeunki-yapi. Qa Mari ciyoniŕhan, ohinde Itancan maŕpiya eciyatanhan abi, qa John Baptist hunku ahankeya kin eya, Christ Ta-

wocekiye ehunniyan. Qa he tohan-yan kin hehanyan Woniya Wakan awanyaka.

Hehan Ateyapi, Cinhintku qa Woniya Wakan Tawowitan kin he woohoda kin maŕpiya ekta, maka akan, qa wicaŕta uye kin owasin tukte etu keceyaŕs yuoniŕhanpi.

HNAŖKA WAN SICANOPIYETA OHNAKE.

Wicaŕta waonspepi hee cin hena eepi hea wakiktonjapi sa. Hececapi kta iyececa; ozi wanin wiyukcan unpi heon. Wicaŕta waonspehece, oŕhan woiŕhaŕa ota decen owicayaŕkapi. Waonspekiya wan hecehecin oŕhan e oyakapi, napsanni hnaŕka wan yuha najin qa napsanni is wihiyayena wan yube, qa iyapa kin iciwanyag najin. Abdeza najin ayuŕstan qeŕhan mazaskazi wihiyayena kin miniyo kahoiyeva qa hnaŕka kin sicanopeyeta iyeya.

MNAJA ETANHAN NIYAN.

Hokŕina wan. Daniel Pinus eciyapi. hunkake okinihanpi otonwe Brussels etanhanpi. Omaka opawinge ŕakpe heehan Charles V. Africa eciyatanhan mnaja wan ahdi, tuka waŕbana kin on tokecin onkiyapi.

Anpetu wan en Daniel hunku kici Carmelite tipi wakan icabda omani i, ihnuhanna mnaja qon he u yanka wanyaka, tokina etonwe ŕni, iwaŕstena u yanke.

Waditaka indatan kta kecin qa hunku napata yuze qon ayuŕstan iye-ye qa mnaja pa akan can on apa. Mnaja kin kaocinŕica, nina calze hinnda qa hokŕina kin iyaŕnpaye qa akihanda.

Hunku kin onŕika taku wacinye ŕni, canpeska makahde ihpaye qa Wakantanka hunku waonsida kin okiye kta kida; Carmelite tipiwakan kin wanyake qa ektakiya anatan. Wakantanka hunku ite okagapi wan inukuya ihpeiŕciye qa heya: "O Mary, micinca kin cŕu! Ni miyeciŕciye kinhan niye en wainduŕna kta."

Wacekiye ihunni kiye kin ecehna mnaja qon hokŕina kin ayuŕstan iyaya.

Daniel Pinus waniyetu iyenakca hehan hunku token iŕiconze qon ecen econ, Mary en iŕŕu; niye kin heon.

Hunkake kin deon wokiksnye tipi wakan en wicite owapi wan waŕŕeŕca ehnaŕkapi, hen takn tokeu econ kin ko akan owapi. Decen owapi: "O Itancan, Mnaja i etannan eunhdaku po."

MINIAWICAKAŖTANPI. TAKU WANJIGJI CAJEYATAPI.

Wanikiye unkitawapi kin oyate owasin miniawicakaŕtanpi kta iyececa keya. Iye hecen eya: "Wicaŕta kin Woniya qa mini on niyen tonpi ŕni kinhan, maŕpiya wokiconze en ye kta okini ŕni."

Otokaheya, Jesus wocekiye ka-gapi kin hetanhan ohinni miniawicakaŕtanpi.

Miniawicakaŕtanpi en yamni akiinde pa kin en miniawicakaŕtanpi qa heyapi: "Miniacicaŕtan, Ateyapi. Cinhintku qa Woniya Wakan caje kin on."

Baptism woecon kin de yamnikiya econpi. Tuwe miniakaŕtanpi kin mini pamahen iyeyapi; mini akaŕtanpi; qa ahake kin mini awicamni-mni. Dehanu kin is yamni akihde tuwe miniakaŕtanpi kte cin miniakaŕtanpi qa wicoie dena eyapi: "Miniacicaŕtan, Ateyapi. Cinhintku, qa Woniya Wakan caje kin on."

Mini kin nakun wancana awicakaŕtanpi qeyas hecetu, qa is susbeca kaŕya econpi ŕni eŕta hecetu, tka nakun hecen econpi.

Baptism woecon kin woawacin qa woonspe waste hee. Priest kin wakanheja. is tuwe miniakaŕtanpi kte cin aniya, he wiconi tanton ŕni yube kin he sdonyekiya, qa nakun wakanŕica token iyaveye kta heon. Susbeca akage qa heon Wakantanka taakicira kta ee sdonyekiya. Mniskuya iyohragkiya qa he woksape wo-waste qnpi, on naŕi kin hduŕice kte ŕni. Noŕe ohdoka kin taŕe ion. Cnrist noŕe kpapi qa iapi ŕni kin hena hecon on asni wicaye kin he kiksuya econ. Pa ion kin he Wocekiye wokininan kin hee. Hinyete en ion kin he cansusbeca waŕagya kiŕn kta. qa maku kin en, hecen iyo-kiyapi wocekiye wicoŕhan kin cante on econ kta: Hayake ska onkiyapi he woaitani cona kin he kapi. qa petijanjan kin he wowicada qnpi, he kapi.

Tonan wakanheja wanji miniakaŕtanpi ca tuwe en majin he miniakaŕtanpi en Ateya is inayan he wocekiye wicoŕhan onna awanyake qa onspekiye kte. Hunkake ŕapi qa tanyan awanyakapi ŕni kinhan, iye en etonwe kta. Miniawicakaŕtanpi en inajinpi kin he takuhca, hecen awacin ŕniyan econpica ŕni, tanyan iynkanpi qa econpi kta.

Miniawicakaŕtanpi kin en wakanŕica qa zawicoŕhan owasin ihpeyapi, qa Wakantanka itokam woaitani cona indunapi kta iŕiconzapi.

Sutton Otonwe En Wakanheja Kin.

England makoce kin heci, Liverpool en kiyena, otonwe wan, Sutton eciyapi, hen ŕinasapa tipi.

Hanyetu wan en wana owasin wicistunbe hehan tuwe tiyopa katoto, tiyopa awanyake cin ojanjanhdepi etanhan eyokasin qa heya:—

"He nituwe huwo?"

Unkan wicaho wan heya: "Ina unkitapi kta, hecen ŕinasapa ahake hecin Sacraments qu kta."

Tiyopa awanyake cin kun etonwan unkan wakanheja nom wanwicayaka, hokŕina qa wicincana wan kici, nonpin cistipina. Hunku wayazanka cin caje qa ti koiwicawange qa ŕinasapa Father John okiyake qa wancak ekta ye kta kewicakiye.

ŕinasapa kin inape qehan nahanhecin wakanheja kin tiyopa en ape najinpi, inaŕniyapi hunku kin wana te kta ikiyena keyapi.

"Mitokam yapo, qa canku maki-pazo po," ŕinasapa kin eya.

Hecen ecen econpi; winyan wayazanke ti kin en ehan ipi hehan taninpi ŕni. Tipi en i unkan winyan wayazan wan onŕiya wanka wanyake.

"Wowaitani oyahdaka yacin he?" ŕinasapa kin eya

"Han," eya, "taku wanji iyotan wacin kin he e." Hecen owasin iyecen kiciyuŕtan.

ŕinasapa kin hehan heya: "Ho ahake oape conana inichan, hecen tuwe wakanheja kin hena awanwicayake qa tokata token onpi kta hecinhan, hena token ehe kta?"

Wayazanke cin heya: "Wakanheja manica ce."

"Wakanheja nom huwe maipi kin hena tuwepi he?" eya

Unkan winyan kin hecen eye: "Tu-wena yewaŕi ŕni, cin tuwena wawaŕi kta iyecece ŕni. Micinca, hokŕina kin hekta wanihan te, qa tansitku kin te hehan tanhan wi nonpa. ce eya. Tu-wena wacinwaye ŕni sdonwakiye qehan micinca maŕpiya ekta unpi kin cewicawakiya qa wowaste kin de ecamou qa maŕe kta he wicawakida."

Father John wana tipi kin en wakanheja wanica sdonye qehan, wayazanke cin wakanheja hena waniyetu tonakecapi he iwange, qa hena heepi he kicopi keya. Unkan winyan wayazanke cin pida un ceya qa heya:

"Ate, hena micinca maŕpiya ekta unpi kin wanagi wastepi hecapi wanwicadake!" ŕinasapa cetunhda ŕni. Hecen winyan wocekiye wastedake cin iyatam is eya cinca tewicalinda unpi kin ekta iyaye.